

立杜賣盡根契人馬芝遴保打廉庄黃光輝黃光耀前有明買水田一段住在燕霧保小三角潭庄後四至界址登在上手契內明白坵數不計經丈玖分零年應納業主大租粟每甲捌石行水份通流灌溉今因乏銀別置兄弟相議將此田情愿出賣先問房親伯叔兄弟□不□受外托中引就與燕霧堡小三角潭庄蘇裕華出首承□□□估出值時價佛銀參佰玖拾大員□□即日全中交收足訖其田隨即踏明界址付銀主前去管掌耕種收租納課永爲己業不敢阻當保此田係輝等明物業與房親伯叔兄弟姪無干亦無同張典掛他人財物來歷不明亦無拖欠大租車工圳底水銀等項如有不明等情輝等自出首抵當不甘銀主之事當日三面言議價銀契明價足一賣千休日後子孫不敢言找亦不敢言贖此係明買明賣二比兩愿日後各無反悔生端異言滋事今欲有憑合立杜賣盡根契字一紙併繳上手契陸紙共柒紙付執爲照

即日全中收過契內佛銀參佰玖拾大員正完足訖再照

知見 黃巽生（花押）
黃文瑞（花押）
爲中 賴登猷（花押）
代筆 黃光輝（花押）

業主施



立賣盡根契人 黃光輝（花押）
黃光耀（花押）
道光參年捌月 日